

¿Jaj ntzaj tq'o' ja tu' tokx toj ka'b'a yol ma Estados Unidos?

- Título VI tej Kawb'al che qaj Toklen te Tenb'al te 1964;
- Kawb'al tib'aj Estadounidenses chuya qaj Yab'il te tzakb'al (ADA, 1990);
- Kloj 1557 tej Kawb'al te Ab'ib' te Q'anb'al tu' tpon Knet (ACA, 2010); kloj 92.101 tej título 45 tej Código te Nb'aj b'int che qaj Kawb'al (CFR).

¿Ti jalal nok tlamó' ja tu' tokx toj ka'b'a yol ma los Estados Unidos?

- Nyolj mas nim twitz **830** yol ma los Estados Unidos.
- Ma los Estados Unidos, mas nim twitz **67 millones** te xjal nchi yola ta' ja' jun yol tekax twitz tyol me'x.
- Mas nim twitz **26 millón** te xjal nok chcheya chib' tuya nxi' q'i' mayo'nk tej tyol me'x.
- At mas nim twitz **1 millón** te xjal mi nikyx toj chwi' ma Estados Unidos ex mas te **9 millón** nok chcheya chib' tuya noq ch'in nikyx toj chwi'.

¿Al lu tkub' tzyu'nk'a chi'j qaj kawb'al te tu' tokx toj ka'b'a yol ex te yolal tumalxax ma los Estados Unidos?

Qa netz ti'nay pwaq te kawb'al mo lu tzyu'nk'a toj Kawb'al tib'aj Estadounidenses tuya Yab'il te tzakb'al (Americans with Disabilities Act, ADA, chi'j qaj t-xe' tb'i toj tyol me'x), ilti'j ktza'l tq'o' te tu' tokx ti'j ka'b'a yol kotz ex jun te yolal tumalxax chi'j qaj xjal chkint, tuya mi nikyx toj chwi' ex tuya k'elal nik' ti'j meyo'nk toj tyol me'x (Limited English Proficient, LEP, chi'j qaj t-xe' tb'i toj tyol me'x).

¿Alcheqch qaj yol masxax nchi yolj ma los Estados Unidos?

Tyol mos, árabe, chino, bengalí, vietnamita, coreano, hmong, ucraniano, darí, farsi, pastún ex polaco.

Qaj toklen at chtxola

Qaj xjal chkint mo tuya nimxax nikyx toj chwi' ex qaj tuya k'elal nik' ti'j meyo'nk mo minti' tej tyol me'x at toklen te tu' tyola tey tuya toj jun yol b'a' tel chnik' ti'j. Tej toklen nxi' lape ti'j ja VI tej Kawb'al che qaj Toklen te Tenb'al te 1964, ja kloj 1557 tej Kawb'al te Kolb'al ti'j Xjal ex Ab'ib' te Q'anb'al tu' tpon Knet (Affordable Care Act, ACA, chi'j qaj t-xe' tb'i toj tyol me'x), ja Kawb'al tib'aj Estadounidenses tuya Yab'il te tzakb'al ex kab't kawb'al te jatzana ex te chqil tkub' te juxmaj.

Tchajsa toj tkwent at ttxola

Ntajib'e' te at ttxola qa chqil tten netz ti' te pwaq te jatzana te alchexa tej che chch'uq ntzaj tq'o' jun tu' tokx ti' ka'b'a yol b'a' ex te yolal tumalxax chu' qaj onb'al te meltz'ulk'ata yol ex meltz'ub'ta toj u'j che qaj xjal chkint, tuya mixax niky toj chwi' mo tuya k'elal nik' ti'j meyo'nk tej tyol me'x (LEP, chi'j qaj t-xe' tb'i toj tyol me'x) toj jun yol b'a' tel chnik' ti'j te jun tten kotz. Tey nok chq'etay ti'j at ttxola te q'olxta te tu' tokx ti'j tzunja título VI teja Kawb'al che qaj Toklen te Tenb'al te 1964, ja kloj 1557 tej Kawb'al te Kolb'al ti'j Xjal ex Ab'ib' te Q'anb'al tu' tpon Knet, ja Kawb'al tib'aj Estadounidenses tuya qaj Yab'il te tzakb'al ex kab't kawb'al te jatzana ex te chqil tkub' te juxmaj.

Ti tten uj tkub' kuyat tuya ja tchajsa toj kwent at ttxola

Qaj tten nchi oktz q'intat pwaq te jatzana nok chq'et te at ttxola te q'olxta te tu' tkub' ten jun meltz'ulk'ata yol sk'o'wa uj qa chej xjal chkint, tuya noq ch'in nikyx toj chwi' mo tuya k'elal nik' ti'j meyo'nk tej tyol me'x (LEP, chi'j qaj t-xe' tb'i toj tyol me'x) chqanaktz qaj chey ch-onb'al, te tu'ntza tb'int chyolana toj jun yol b'a' tel chnik'ay ti'j te jun tten kotz. Qaj te nok chq'et at chtxola chi'j tzun qaj kawb'al te tu' tokx ti' ka'b'a yol qaj te tuya xzuj meltz'ub' yol te alchexa q'umb'aj tumal ex te yolal tz'ib'a tten chi'j qaj yol nel chnik' qaj xjal lu ti'j, chuyaxtza, qaj kab't, u'j te che qaj mamb'aj, tumal ex tqanil te sitios web. Qaj meltz'ub' yol ilti'j chi kwel ch'ixpet te jun tten b'a'nax.

Qaj onb'al ilti'j chi kwel chmet, nik'ulk'ata ex kwel ten tuya ja onb'al te jun meltz'ulk'ata yol, qatzala toj ja tenb'al mo te jun tten naqch noq toj videollamada, yolb'il mo junt tten toj xk'utz'ib'.

Te tu' ttiq' mast q'umb'aj tumal chib'aj qaj toklen ex qaj u'j at chtxola te tu' tokx ti' ka'b'a yol, tokxtza:

